

臨桂縣志

之中

二冊

臨桂縣志

卷十

二

臨桂縣志卷十九

藝文志

經部

易經了義明張茂格

見粵西文載

佚

四書考輯要

國朝陳宏謀

十卷

存

藹庇堂說經質疑

國朝周恩宣

禹貢地理考略

國朝周恩宣

春秋釋地考證

國朝周恩宣

六書管見

國朝況祥麟

二十卷

存

兩論纂說

國朝況澄

十卷

存

春秋屬辭比事補 國朝況澄

二卷

存

說文徵典 國朝況澄

四卷

存

史部

桂林盛事記 宋張仲宇

見粵西文載

存

南京太常寺志 明屠楷

天一閣書目十三卷

存

銓司贊錄 明屠楷

見粵西文載

佚

循良彙編 明李仲僕

天一閣書目十二卷

存

余允緒序曰景陵令靜齋李子公餘博古省躬左驗爰采歷代循良并聖賢格言類爲十二卷名曰循良彙編以夢野魯子校正將付梓人命庠生曾紱榮造玉厓曰昔者子文以舊令尹之政告新令尹夫子許其忠而難其仁今觀靜齋所編綜覈德行品題政蹟彙括格言折衷己意以古道爲必可行以聖化爲必可復仍欲傳示天下後世又不徒言告己也如其仁如其仁允緒不佞未親牧民而濫竽吏部深知天下守令之難而興守令者之尤難也孟子曰若夫豪傑之士雖無文王猶興蓋得志則澤加於民不得志則獨立其道蘊之而爲道沛之而爲澤凡以完吾之志其得不得者時也秩有崇卑者分也故龔黃卓魯與當時名相並稱者何邪曰志曰仁不惟其分惟其志焉耳矣噫微豪傑之士吾誰與歸靜齋名仲僕廣西鄉進士令景陵五年餘屢經當道獎薦今遷辰州府倅後當以循良續編云嘉靖己酉

書目注桂林李仲僕輯景陵魯彭校正

帝鑑圖說明張居正呂調陽

四庫全書目

存

四庫全書提要明張居正呂調陽同撰調陽嘉靖庚戌進士官至建極殿大學士諡文簡事蹟具明史本傳是編乃二人奏御之書取堯舜以來善可爲法者八十一事惡可爲戒者三十六事每事前繪一圖後錄傳記本文而爲之直解前有隆慶六年十二月進疏一篇蓋當神宗諒闇時也疏云善爲陽爲吉故數用九九惡爲陰爲凶故數用六六取唐太宗以古爲鑑之語名

之書中所載皆史冊所有神宗方在沖齡語取易曉不免於俚俗
西遷注明張鳴鳳

四庫全書目一卷

存

四庫全書提要此編乃鳴鳳謫官利州時自京赴蜀復自蜀還京記其道路所見名勝古蹟於碑刻多載全文頗裨考證前有自序後有其子揆跋稱其在道不挈書自隨但直寫所記憶故徵引亦多抵牾如以良鄉料石岡之爲遼石岡之類是也

漕書八論明張鳴鳳

四庫全書目一卷

存

四庫全書提要明張鳴鳳撰是書專論漕運利弊分爲八篇曰漕政漕司漕軍漕河漕海漕船漕倉漕刑力主海運之利又以漕船工料不堅入水易破欲采木川湖大治萬餘艘斥餘材以支數十年用又以丹陽京口并出於江水淺船多欲別開運道由孟瀆趨白塔河至揚州其說頗多難行

桂勝明張鳴鳳

明史藝文志十六卷

存

鳴鳳自序曰右司馬兼中丞兩廣督府靈璧劉公去歲冬初東下裝嚴過故吏張子語之曰自

不穀有事於四方見所在一泉石粗足寓目其人莫不有志記用表厥勝乃雲峯煙澹參錯如繡如子桂者顧反獨無有勝如此不如無有子山中人蓋圖諸語訖驚起謝不能具白今南都大司馬連江吳公按浙侍御華容蔡公先後見屬一如今指皆固謝已之公笑謂曰子云不能惡乎在對曰地勝固爾抑人也殊勝桂雖乏人擁朱輪乘獨輶迭往迭來豈乏四方之英雋乎撫有山川以其餘閒或陟在巘或降在原亦或汎川溯洄洲嶼或撫景以興詠或紀遊以見名山川藉之故永有聞此豈非殊勝耶不此志記焉得勝公曰然又曰日不穀家居嘗夢入山睹山四壁徧有題刻子今言與夢合顧曰不能得無慮鈔搨不給故邪不穀是任填勿讓明日公果遣麾下四出蒐致比臨發授意藩使鄧管公爲過申命更選鈔者俾益具錄既又以一人領眾山不勝其書檄縣行視亟議以濟居無何參藩雲間徐公以代行藩事至陸續鈔搨十得六七書亦草具四五參藩公聞之以署者書時枉勞苦又屬縣以增廣未備縣令南海何君奉檄惟謹選諸生稽古者挾搨工與俱廩從優厚於是崢嶸之杪邈絕之濱人爭猿攀鳥集齋楮墨以往數百年之古文遺事出布人間張子既幸驟得未睹又辱公近檄府給以筆札參藩公間日趣取草親爲校定府丞呂君與諸大夫亦閒過視雖則不敏敢不勵志況前被公激發以有勝如此不如無有之語哉書凡十六卷因名桂勝所爲卷第以先奉公授獨秀諸搨本家離山下日就手寫所得次之餘悉衆鈔搨至者之先後以爲卷第外桂故八卷用輔以行其意亦具桂故序中劉繼文桂勝序曰粵自神禹鑄鼎象九州凡字內山川載在職方者蓋詳矣哉然其大者固衆牒可考若阻遠幽窅或闕眺所未及即書不具載載不加詳而山川之勝槩與夫往哲之芳蹟往往幾於湮滅希蹤方外者恆三竊歎云余不佞性耽幽癖每見一泉一石輒戀戀不能

舍去殆自幼已然比筮仕雲江躬繫簿書不遑遊覽即青原之勝未遂登臨迄今不無悵想後
 由省垣出參浙藩總諸務公署倚吳山下時邀客飛觴得快心於十景之巔尋遷右轄入閩則
 與武夷君爲莫逆凡三徜徉於九曲迨致江右政歸偕同年王敬美遨遊匡廬尋鹿洞天池之
 勝再信而行自是得反初服回思宇內奇觀浙曰吳山閩曰武夷楚曰匡廬景勝甲天下余宦
 轍所經具得託足逖覽而其間崎者流者幽者怪者收填胃次庶幾乎夙願可償既歸田豫闢
 百畝之園爲頤庸之所邑故多奇石手自掄選平地爲山隨意區畫名曰卷石小境盤桓終日
 自適其天容與將九載偶於夢寐中神遊攀巖陟嶽非生平所觀又或夢有饒奇石盈庭堪賞
 既寤直以夢視之未幾奉詔起西川捫參歷井鳥道天梯歷經艱險及入粵見風洞華景諸巖
 佳勝寰中罕儼又靖藩諸王孫間以奇石相遺恍若往日夢中景象因公餘周覽桂林之勝陟
 降巒巖溯洄洲嶼靡匪奇邁其勝以山計者曰獨秀曰灘曰雉曰南溪曰伏波之類凡十有八
 以川計者曰灘江曰陽江曰南溪曰彈丸曰訾家洲之類不一而足且磨崖鑱字皆古名人詩
 賦其上每臨眺間則簇峯澄練與目謀松篁澗瀨與耳謀而詩篆之幽麗奇絕者又與心謀色
 色象象總命曰山川之勝而叢聚於桂林即吳山武夷匡廬當不少讓顧彼三勝者炳炳圖志
 中而桂獨無有竊謂山靈怏怏因別駕張君羽王素稱博雅且世居灘山下爲山川主人與余
 有舊誼相過遂以志屬焉君遜謝不能因諷以有勝如此不如無有之語又請爲君供副墨之
 需而藩使管君世臣徐君羽復慫慂焉君於是旁搜博采援古質今凡諸山之巔岼諸川之
 邈絕及數百年之古文遺事郡國政績文獻流寓彙編成帙凡二十有四卷前十六卷爲桂
 勝志志勝槩也後八卷爲桂故志志故實也二志作而山川之幽僻古蹟之幾於沈晦者至是

悉顯直與吳山武夷匡廬諸志相彪炳俾宦遊茲土者得案圖攬勝則勝與志合見與聞合幽懷益暢而詠賦益增即未涉足於桂者亦展卷瞭然如指諸掌而山川藉是永有聞於四方矣張君之功甚偉而不佞之幽癖及夢所感徵庶不孤哉庶不孤哉是可爲桂之山川賀矣余因命臨桂何令太庚授之剗剗氏以廣其傳云

蔡汝賢桂勝序曰嘗讀柳子厚言家洲記稱桂林多靈山拔地峭起林立四野意欣然嚮之顧去桂數千餘里欲一登眺無由也萬曆己丑夏會余奉命鎮撫自陸道衡湘入桂林驟見石峯交立雲表左顧右盼令人輟轡久乃知郭以內爲獨秀疊綠華景諸山其外則棲霞彈丸龍隱峙其左隱山西峯中隱踞其右又伏波灘雉旁跨江水水則離陽二江會於灘山沕瀾南湊以入海而訾家洲實爲之襟喉此其大觀也余未遑周覽即一二所覩記峯巒銳者筆聳劍直稍有起伏或旖而麾而几而憑又或列甌可炊或端笏以謁其平者屏倚幕張詭麗非一中有巖洞或堂或室或闕或閣乳凝苔繡諸石駢附者又千態萬狀尚訝子厚所稱爲未備云且海內名山稱鉅麗者豈少哉然皆數峯而止乃桂城內外不出數里而玉筍瑤簪森列若此抑又奇矣先是督府大司馬節齋劉公游而樂之謂勝槩不可無紀因張君羽王博雅能文且世家灘山麓遂以屬筆張君於是原本山川采輯題詠爲桂勝又因桂勝摭拾前聞補苴遺事而桂故作焉蓋志形勝所以表山川而志故實所以徵形勝他無關於形勝者不與也故桂勝出則不出戶而可以神游桂故出即未暇咨詢一展卷而其人與事瞭然在目其有功於山川甚偉非徒備野史已也書成司馬公既序而付之梓謂余乃山川主人宜序諸末或有進言於余者曰粵西巖穴即荒州下邑往往多奇絕匪直桂也顧采阻幽遐非游人墨客所能至而其鄉之人又

無如張君者可以表揚之以故湮滅弗彰今桂之勝得司馬公而著聞山川顯晦信非偶矣余不其然山川鍾秀效靈不以時閒又安知繼今來不有採奇好古如司馬公搦管能文如羽王氏者出以續全省之勝以補文獻之遺豈不尤偉也哉此亦司馬公意也余請注目以俟

桂故明張鳴鳳

明史藝文志八卷

存

鳴鳳自序曰余志桂勝竊迹前事久之釋書而既曰嗟呼嶠岫森列潭瀨交縈太皞以上非邪山川不改人生其閒與帝者更廢興殆千萬年於今矣乃按壤之舊而問先民唐以前靡聞焉又不有剖符建節南面臨人曾為此中士民所式瞻者乎或前史軼其行事矣甚或名氏亦與其人俱滅余並悲之頃得諸山所鐫及他書閒出者因藉其人廣爲探討或睹其逸事與其鄉里莫不緣飾俾列之傳而嫩惡亦附見諸名不桂於桂勝者亦不之及其他不能爲地闕如也或曰先郡國官名者何余曰今桂林非古也又世無郊子官失其名著志者兩失之不得不首舉焉嗚呼舊學失矣方來茂秀焉可忽諸設令富塗貴人擁傳而來不習故事有所召問舉全蜀之郡據述會稽之書佐何可謂闔郡無是夫哉或曰書曷云故余對以昔人稱魯侯能政每咨故實漢有掌故之官用備郡國長史訪所不及是書纂錄亦因舊典上下千百年間挂諸史傳粗足披覽雖故實失載掌故不設藉是以應顧問十可得一本出舊典曷不云故或者又謂如美惡分明何曰前載紛紛非自我作故也往裴行立以罔上祠名宦朱襖孫以降元祠宣成之側眩名實墮風教主者過舉若此又況遐陬小生鮮所指視哉故不得不端議之桂雖叢爾甯

獨匪民撫遺勒仰前軌一見先政卓爾有嘉聲者豈無遺愛邪況先民之良亦可步目得二三氏余輒自謂勝故兩書度足彌縫吾桂之闕至其中差有脫漏非貯籍不充則凝視易勒後世載筆儻有亮乎而曰勅造者難爲功則余懼可釋也已

四庫全書提要明張鳴鳳撰是二書竝成於萬曆癸丑桂勝序題五月六日桂故序題七月朔劉繼文序稱前十六卷爲桂勝志勝槩也後八卷爲桂故志故實也鳴鳳桂勝自序亦稱外桂故八卷用輔以行桂故自序稱余志桂勝竊迹前事云云則二書相因而作實一書也桂勝以山水標目各引證諸書敘述於前即以歷代詩文附本條下而於石刻題名之類援采尤詳又隨事附以考證多所訂正後董斯張吳興備志朱彝尊曰下舊聞即全仿其體例於地志之中最爲典雅桂故分郡國官民先政先獻游寓雜志六門郡國考歷代沿革詳列史志辨今之桂林非古之桂林官名則臚歷代之制蓋疆域明則先獻有所斷限職制明則先政有所徵驗乃不至如他志書人物名宦附會牽合故以冠於首也其先政先獻人各爲傳大抵鎔鑄舊文剪裁蔓語務取其有關是土而不濫涉其生平又多采金石之文不盡取諸史籍故其辭簡而不支博而有據其游寓雜志亦多據題名碑碣姓名年月歷歷可稽在明代輿記之中於康海武功志韓邦靖朝邑志外自爲別調可以鼎立而三他家莫之逮也二書所載者止於南宋蓋年遠者易湮時近者易濫詳人所略略人所詳其書乃博瞻而有體是又鳴鳳創例之微意與

武功縣續志明張文熙

澹生堂書目

佚

臨桂縣志

中冊

按浙錄明張文熙

見粵西文載

佚

救甯錄明張文熙

見粵西文載

佚

桂林田海志國朝雷鳴春

見趙炯香魚山房集

未見

趙炯重訂序曰田海志桂林布衣雷亮工作也亮工名鳴春自號壺山酒人書分十有八回體類演義自明崇禎戊辰逮今丁巳紀五十年間興革變故皆身歷目擊初非傳聞事雖一隅而世數之升降人事之得失大略可推並無附會舛謬之失故可覽也獨其文不雅馴且參差雜沓政如誅茅不理而束不免於亂故訂而飾之一切事蹟皆仍其舊間有不明者亦必訪之逸民以補其真蓋云慎也約而為九回傳之奕世亦可備野史之一斑矣至其題詞及詩則不妨僭易之終為桂林人書使桂林人藏之予何敢濫焉

海刺都初志國朝朱亨衍

存

重訂正史約國朝陳宏謀

三十六卷

存

宏謀自序曰學者治經而外讀史要矣顧經以貫道故嘗自博而返約史以徵事必先由約而致博周秦以來世故日積亡論班馬十七史載籍浩繁即涑水之通鑑紫陽之綱目加以前後二編雖在中原文盛之區自非好學心知猶苦窮年莫究奚怪邊徼之士率多目不睹全書則讀史之宜從約審矣雖然博難也約亦未易昔彭城劉氏論史有三長竊謂纂輯之家蓋尤要才不大無自刪繁補略識不邃罕知提要鉤元而學不正則逞才使識進退網羅無以折衷於大道此自有史籍編纂無慮數十家得其體要者尠也使者備位瀕藩欽承

聖治文明聲教四訖僻壤遐陬喁喁嚮化顧以介在天末書籍罕至爰首鋟四禮以敦風俗梓小學以端蒙養孝經近思錄大學衍義輯要次第校刊頒之郡縣自書院外凡請諸兩臺建義學六百餘所悉令師儒以時講習於聖賢大道略已指示門庭至若古今治亂之蹟人事善敗得失之由則必徵之史冊公餘取顧端屏先生正史約稿爲增訂梓之蓋全史既難令學者倖讀而此書較他本纂輯爲良先生丁明之季風裁凜凜所建白都關體要惜未施行已而致命遠志垂先天壤平生抱負奄有史氏三長所約一軌於正真史學之津梁藝林之要笈也學者第熟復此編自是即事明道援史譯經其於體用一原之理庶或循循有得焉若夫大雅君子則自有涑水紫陽之全書及馬班諸史在非可槩諸邊徼之塾矣

湖南通志 國朝陳宏謀

四庫全書目一百七十四卷

存

宏謀自序曰九州荆陽之地後皆入於楚會稽豫章楚分也而番禺則謂之廣東桂林則謂之廣西亦以楚地得名蓋大江以南奄為楚境矣惟楚之南在漢時長沙為國列郡有四桂陽武陵零陵南郡也而桂陽所領則有廣東曲江潯陽諸縣零陵所領則有廣西零陵始安諸縣幅員猶遠至唐廣德中置湖南觀察使湖南之名實始於此宋分置湖南北路澧岳辰沅靖隸北路潭衡道永郴隸南路而元則統屬湖廣行省明初因之萬厯間始置巡撫僻在偏沅一隅迨本朝分置湖南布政司移巡撫駐長沙控制南北領府九州四屹然一大都會矣明統志湖廣一省不分南北雍正間修通志開局於武昌遙隔洞庭所載湖南山川人物類多不詳且其時永順方設府桂陽州初改直隸而沅州之改府更在其後此湖南通志不可以不作也余自乙亥秋移撫湖南下車之始覩其山川雄麗人物殷富山澤禾稼之利且及天下蓋

國家

聖聖相承涵濡教養之澤入人者為至深故雖地雜苗徭而我

皇上德教覃敷谿崗山箐之間徧播弦歌之化向所謂五溪衣服今皆駸駸漸漬華風何其盛也亟欲稽其文獻而通志闕略不能無憾維時今浙撫楊公方為藩司有修志之請於是徧飭府州廳縣各紀其方輿之所有且繪圖以獻適范浣浦歐陽竹垞兩侍御過余因畱之衙齋公餘少暇相與商訂徧稽史冊上自

列聖典謨下及諸家雜記文集凡有關於吏治民生之大計以至土俗人情之細微掇輯不遺餘力分門三十有七成書一百七十四卷蓋較之湖廣通志卷帙合兩省以成者且加盈焉舉其山衡

嶽九疑嶺嶠之所宗也舉其水瀟湘洞庭百川之所匯也以學校言則嶽麓石鼓所以教民者取法於古以農田言則隄堰陂塘所以養民者更詳於今而且苗徭有官設之學足徵聲教之遠礦廠有自然之利廣開衣食之源營制則星羅棋布邊防則烽靖煙消考人物而騷雅竭忠愛之忱太極啟圖書之秘觀典禮之明備表節孝於幽微朱張之講學可以尊聞而行知真魏之政教可以設誠而致行韓柳歐李之文章可以守先而待後夫豈取盈卷帙以誇多而鬪靡哉誠欲覽是書者官斯土則有懷經濟因革損益釐然可守也生斯地則仰止前賢鼓舞效法勃然興起也爲政之所以立綱陳紀爲學之所以體立用行皆不外於是書焉得之此則區區修志之心之所厚期也遂書之以爲序乾隆二十一年仲冬月

四庫全書提要大學士陳宏謀等監修湖南省治即唐之武安軍原與荆鄂兼立節鎮宋代亦分荆湖南北兩路至明代始併隸湖廣布政使而幅輳廣闊形勢各殊本朝康熙三年始析置湖南布政司以控制嶺嶠其後修通志者仍合湖南北爲一編又書局開於武昌未免詳近而略遠故湖南事蹟未能該備乾隆二十一年宏謀巡撫湖南因與藩臬諸臣創修此志以補其闕共分三十七門其中如山川一門全志每縣祇載數條此則分列方隅職官一門全志文職至知府武職至游擊而止此則同知通判守備具錄無遺選舉一門全志詳文而略武此則兩途並登故所載雖止九府四州而卷帙則較全志贏幾十之四五云

歷代紀年便覽 國朝陳鍾珂

一卷

存

臨桂縣志

中冊

二九六

鍾珂字鳴遠宏謀子
三通序目 國朝陳蘭森

存

宋樂史 國朝陳蘭森

存

太平寰宇記 國朝陳蘭森

存

讀史叢論 國朝周思宣

存

子部

參贊元機明張鳴鳳

天一閣書目一卷

存

書目注張鳴鳳編集金達等評選王世貞敘萬曆丙午史起欽後序

大學衍義輯要 國朝陳宏謀

四庫全書目六卷

存

大學衍義補輯要 國朝陳宏謀

四庫全書目十二卷

存

宏謀自序曰士人自束髮受書即讀大學其三綱領八條目亦句解而字釋之以講求其意而坐言者未必起而行或者以爲此理學之書而非經濟之要也夫理學虛而無用則經濟亦難而無本不幾幾乎視大學一書僅供口耳佔畢之資而無裨於經世服物之大也哉宋儒真西山著大學衍義明儒邱瓊山著衍義補皆因其言而以其事實之備考經史百家參以近代時事凡心術之邪正人材之盛衰政事之得失始於甚微終於甚鉅差之毫釐謬之千里者悉舉而納之於八條目中誠所謂析之極其精而不亂合之盡其大而無餘者然後知上自后王君公下及士庶推而極於前古後今之際無一人一時不在八條目中載藉所傳無一非八條目中事也朱子不云乎大學是爲學綱領他書皆雜說在裏許通得大學去看他經方見得此是格物致知事此是誠意正心事此是修身事此是齊家治國平天下事又云大學之書譬如人起屋先畫一箇大地盤在這裏會得這箇了他日若有材料卻依此起將去嗚呼此真邱兩先生衍義之所由作而所以羽翼經傳津梁後學者厥功鉅矣真氏之書四十三卷邱氏百六十六卷卷帙浩繁學者未免有望洋之歎而遠方學者不但難讀且亦難購余自爲諸生時手握一卷今者忝任藩宣自維才識弇淺凡所措施時懼其不合於古有悖於今益復究心此書考鏡得失以裨萬一公餘展閱手自鈔錄擇其精要積久成編以是呈之兩臺得所誨定並令刊發以惠此邦也因顏之曰輯要以付梓人俾先儒有用之書廣行散布於遐邇之間讀大學者可因是而切己體察援古證今以求所謂真理學真經濟不僅以誦讀畢乃事也抑余尤有說焉